

陸放翁全集

劍南詩稿

冊二

0



劍南詩稿目錄

卷第五

曉歎 苦筍 月下作二首

小宴 小閣納

涼 晨雨 湖上筍盛出戲作長句

雨後集

湖上 過大蓬嶺度繩橋至杜秀才山莊宿
杜氏晨起遇雨 翠圍院 野飯 化成院

慈雲院東閣小憩 遊靈鷲寺堂中僧閑然獨
作禮開山定心尊者尊者唐人有問法者輒點

曾示之時號點點和尚 桃源 白塔院

急

雨 東湖新竹 睡起試茶 五月五日蜀州

放解榜第一人楊鑑具慶下孤生愴然有感
病酒新愈獨臥蘋風閣戲書 神君歌 讀胡

基仲舊詩有感 夏日湖上 對酒歎

病後

暑雨書懷 兩聲 同何元立賞荷花追懷鏡

湖舊遊 小樓 怡齋 龍湫歌

月夕 蒸

暑思梁州述懷 湖上晚歸 秋聲 觀小孤

山圖

飲酒

北窗梧葉坐間落四五有感

神山歌

久雨

古意

自唐安之成都

度

作故袍

寓寶相有作

寓驛舍

題宇文

子友所藏薛公鶴

宴西樓

月中歸驛舍

江瀆池醉歸馬上作

離成都後却寄公壽子

友德稱

晨至湖上二首

池上見魚躍有懷

姑熟舊遊

六月二十五日曉出郊

作雨不

成終夜極涼時去立秋五日也

池上晚雨

五十

記夢

凭欄

聽琴

秋思

醉書

樊氏莊龜泉

書懷二首

秋思三首

東園

晚步

秋夜讀書戲作

太平花

日暮至湖

上

秋興

秋色

秋聲

觀長安城圖

雨

中作

夜讀了翁遺文有感

雷

龍眠畫馬

秋夜池上作

秋雨

臥病

夢入禪林有

老宿方陞座

或云通悟禪師

蜀州大閱

放

懷亭獨立有感

九月三日同呂周輔教授遊

大邑諸山 次韻周輔道中二首 懇黃秀才

書堂 夜宿鶴鳴山 次韻周輔霧中作 山

中得長句戲呈周輔并簡朱縣丞 搶藥鳥
出山 平雲亭 高秋亭 九日小疾不出

九日試霧中僧所贈茶 我有美酒歌 次韻
師伯渾見寄 自江源過雙流不宿徑行之成

都 過綠楊橋 五鼓自簇橋入府 客多福
院晨起 雨中出謁歸晝臥 長歌行 夜食

炒栗有感 秋夜懷吳中 遊三井觀 僂遊
閣 寓居小菴纔袤丈戲作 送華師從劍州

張祕書之招

東坡詩文選

留侯論
小序
留侯論
留侯論
留侯論

留侯論
留侯論
留侯論
留侯論
留侯論

劍南詩稿卷第五

宋 陸 游 穆觀

曉歎

一鴉飛鳴窗已白推枕欲起先歎息翠華東巡五十

年赤縣神州滿戎狄主憂臣辱古所云世間有粟吾
得食少年論兵寶狂妄諫官劾奏當竄殛不爲孤囚

死嶺海君恩如天豈終極容身有祿愧滿顏滅賊無
期淚橫臆未聞舍桃薦宗廟至今銅驅沒荆棘幽并

從古多烈士悒悒可令長失職王師入秦駐一月傳
檄足定河南北安得揚鞭出散闢下令一變旌旗色

苦筍

藜藿盤中忽眼明駢頭脫襁白玉嬰極知耿介種性
別苦節乃與生俱生我見魏徵殊媚嫵約束兒童勿
多取人才自古要養成放使干霄戰風雨

月下作

池上迎微風柏間躅涼月冷然醉夢醒一洗煩惱熱
嗟予世外人火食常嘔噎易求雲表露難覓大古雪
況欲試祕方瓊漿和玉屑俛首居俗間愁若鷹在紲
惟茲服月芒比歲稍得訣但令天無雲豈復計圜缺
玉鉤定誰挂冰輪了無轍詩成獨高詠靈府炯澄澈

又

畏暑不巾襪步月榰短筇瘦身髮鬚鬢顧影如孤松
徑幽螢闔開池漲魚喰嘴飛泉穿北垣珠玉相撞春
東湖更奇絕百畝銀初鎔但能抱琴往絕恨欠鶴從
重露傾荷盤微風墮芙蓉歡言美清夜縹渺吹疎鐘
空中飛僊人粲然冰雪容笑我老塵世不記瑤臺逢

小宴

洗君鸚鵡盃酌我蒲萄醅冒雨鶯不去過春花續開
英雄漫青史富貴亦黃埃今夕湖邊醉還須秉燭回

小閣納涼

侵牀月白病全蘇掠面風清酒欲無渺渺塘陰下鷗
鷺蕭蕭秋意滿菰蒲縱輸煙渡橫孤艇也勝京塵暗
九衢莫遣良工更摹寫此詩端是臥遊圖

晨雨

揮汗驅蚊廢夜眠清晨一雨便翛然涼生池閣衣巾
爽潤入園林草木鮮青翦雲腴開鬪茗翠嬰玉液取
寒泉飯餘一枕華胥夢不怪門生笑腹便

湖上筍盛出戲作長句

觸觸穿苔璫瑁簪按行日夜待成林養渠百尺千霄
氣見我平生及物心剩插藩籬憂玉折豫期風雨聽
龍吟明年又徙囊衣去誰與平安報好音

雨後集湖上

野水交流自滿畦芳池新漲恰平堤花藏密葉多時
在鶯占高枝盡日啼繡袂寶裙催結束金尊翠杓共
提攜白頭自喜能狂在笑襞蠻牋落醉題

過大蓬嶺度繩橋至杜秀才山莊

度笮臨千仞梯山躡半空溼雲朝莫雨陰壑古今風
亭觀參差見闌干詰曲通柳空叢篠出松偃翠蘿蒙
負籠銀釵女鉏畚鶴髮翁何由有餘俸小築此山中
宿杜氏晨起遇雨

怪藤十圍蔽白日老木千尺干青霄水汎戛灘竹作
舫陸行跨空繩繫橋陰陰古屋精靈語慘慘江雲蛟
鷀驕吾道非耶行至此諸公正散紫宸朝

翠園院

曉入翠園寺擁門千萬峯山空鳥自命林茂鹿相從
娟娟風中笮昏昏雲外鐘將歸興未盡清嘯倚長松

野飯

薏實炊明珠苦筍饌白玉輪困斷區芋芳辛采山蕨
山深少鹽酪淡薄至味足往往八十翁登山逐犇鹿
可憐城南社零落依澗曲面餘作詩瘦趨拜尚不俗
杜氏自譜以爲子美下破留一子守浣花舊業其後避成都亂徙眉州
大堰或徙大蓬云病夫益倦遊頗願老窮谷是家吾所

慕食菜如食肉時能喚隣里小甕酒新濾何必懷故
鄉下箸厭雁鷺

化成院

翠圍至化成七里幾千盤肩輿掀濱淖歎息行路難
緣坡忽入谷蜿蜒蒼龍蟠孤塔插空起雙柂當夏寒
飛屐到上方漸覺所見寬前山橫一几稻陂白漫漫
肥僧大腰腹呀喘趨迎官走疾不得語坐定汗未乾
高人遺世事跏趺穴蒲團作此望塵態豈如返巾冠
日落聞鹿鳴感我平生歡客遊殊未已芳歲行當闌
慈雲院東閣小憩

橫閣院東偏翛然拂榻眠香濃煙穗直茶嫩乳花圓
巖倚團團桂筒分細細泉憑誰爲題版榜作小壺天
遊靈鷲寺堂中僧閑然獨作禮開山定心尊者
尊者唐人有問法者輒點胸示之時號點點和

尚

半世吳松理釣絲蜀山著脚豈前知雲堂已散三三

衆卯塔空尋點點師戴雪數峯臨峭絕浮花一水舞
淪漪寺西望雪山下臨桃源勞生未盡能重到應掃流塵
讀此詩

桃源

木缺橋橫一徑微斷煙殘靄晚霏霏十年勦客明雙
眼五月遊人換夾衣翠峽束成寒練靜蒼崖濺落素
鯀飛爾來自笑癡頑甚著處吟哦不記歸

白塔院時小雨初霽

冷翠千竿玉浮嵐萬幅屏凭欄避微雨挈笠遇歸僧
殘日明樓角屯雲擁塔層溪山屬閑客隨意倚枯藤

急雨

炎炎赤日當空燒簿書圍坐如居窯黑雲壓簷忽岩
堯急雨鼎來風駕潮彈壓旱氣蘇枯焦祝融退聽不
敢驕父老歌舞看稻苗殺雞買酒更相邀我亦巾褐
涼蕭蕭酒醒點滴聞梧蕉珍簟不御扇罷搖安用萬
里登凌歎

東湖新竹

插棘編籬謹護持養成寒碧映淪漪清風掠地秋先到赤日行天午不知解簾時聞聲簌簌放梢初見葉離離官閑我欲頻來此枕簟仍教到處隨

睡起試茶

笛材細織含風漪蟬翼新裁雲碧帷端谿硯璞斲作枕素屏畫出月墮空江時朱欄碧甃玉色井自候銀餅試蒙頂門前剥啄不嫌渠但恨此味無人領

五月五日蜀州放解榜第一人楊鑑具慶下孤生愴然有感

甲午五月之庚寅淵魚躍起三江津震雷霪雨夜達晨我知決定非凡鱗人生富貴不逮親萬鍾五鼎空酸辛少年得祿羞常珍調節滋味躬爨薪徹食奉盥授帨巾此樂豈復論賤貧嗟我不孝負鬼神俯仰二紀悲如新仕宦空飽息與嬪左右供養無復辰子行射策對楓宸綵衣楚楚暎華紳汎江亟歸娛老人切

勿著意長安春

病酒新愈獨臥蘋風閣戲書

珍倣宋版印

用酒驅愁如伐國敵雖摧破吾亦病狂呼起舞先自
困閉戶垂帷真廟勝今朝屏事臥湖邊不但心空兼
耳靜自燒沉水淪紫筍聊遣森嚴配堅正紫筍蒙頂之
上者其味尤重追思昨日乃可笑倚醉題詩恣豪橫逝
從屈子學獨醒免使曹公怪中聖

神君歌 謢英顯廟作

泰山可爲礪東海可揚塵惟有壯士志死生要一伸
我夢神君自天下威儀奕奕難具陳飛龍駕車不用
馬訶前殿後皆鬼神奇形詭狀密如魚鱗鱗鱗鱗
爭扶車輪黑蠹白旄其來無垠黃霧紫氛合散輪囷
考錄魑魅號呼吟呻約束蛟螭天矯服馴後車百兩
載美人巾構鮮麗工笑顰金尊翠杓溢芳醇琵琶笙
篌飾怪珍世間局促常悲辛神君歡樂千萬春嗚呼
生不封侯死廟食丈夫豈得抱志長默默

讀胡基仲舊詩有感

少日飛騰翰墨場
莫年相見尚昂藏
沈沙舟畔千帆過
翦翮籠邊百鳥翔
訪古每思春竝轡
說詩仍記夜連牀
函函去日多於髮
不獨悲君亦自傷

夏日湖上

烏帽筇枝散客愁
不妨胥史雜沙鷗
迎風枕簟平欺暑
近水簾櫳探借秋
茶竈遠從林下見
釣筒常向月中收
江湖四十餘年夢
豈信人間有蜀州

對酒歎

鏡雖明不能使醜者妍
酒雖美不能使悲者樂
男子之生桑弧蓬矢射四方
古人所懷何磊落
我欲北臨黃河觀禹功
犬羊腥羶塵漠漠
又欲南適蒼梧弔虞舜
九疑難尋眇聯絡
惟有一片心可受生死託
千金輕擲重意氣
百舍孤征赴然諾
或攜短劍隱紅塵
亦入名山燒大藥
兒女何足顧
歲月不貸人黑貂十年
弊白髮一朝新
半酣耿耿不自得
清嘯長歌裂金石

曲終四座慘悲風人人掩淚無人色

病後暑雨書懷

髮毛蕭颯疾初平雲物輪囷氣未清水漲小亭無路
到雨多幽草上牆生窗昏頓減離書課屋老時聞墮
瓦聲止酒士聊還自笑少年豪飲似長鯨

雨聲

暑氣滿天地薄莫加煩促清風吹急雨集我北窗竹
竹聲蕭蕭固自奇況得雨聲相發揮令人忽憶雲門
寺半夜長松墮雪時

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾人似
玉月色泠泠透湘竹三更畫船穿藕花花爲四壁船
爲家不須更踏花底藕但嗅花香已無酒花深不見
畫船行天風空吹白紵聲雙槳歸來弄湖水往往湖
邊人已起卽今憔悴不堪論賴有何郎共此尊紅綠
疎疎君勿歎漢嘉去歲無荷看

小樓

吾州近在西山麓雪山萬仞臨冰谷小樓森森閣三
伏清簾疎簾對棋局肌膚淒凜起芒粟肝肺崢嶸疊
瓊玉香泉向夕初罷浴桐竹生風吹細縠九衢憧憧
車擊轂黃塵赤日汗可掬還家欲休客陸續借與此
詩令一讀

怡齋

東湖仲夏草樹荒屋古無人亭午涼萱房微呀不見
日筍籜自解時吹香野藤蟠屈入窗罅溼菌扶疎生
屋梁跨溝數椽最幽翳漲水及檻雨敗牆靜涵青蘋
舞藻荇閑立白鷺浮鴛鴦芙蓉雖瘦亦瀰漫照眼翠
蓋遮紅妝水紋珍簟欲卷却團團素扇嬾復將天風
忽送塔鈴語喚覺清夢遊瀟湘

龍湫歌

環湫巨木老不花齋淪千尺龍所家爪痕入木欲數
寸觀者心掉不敢譁去年大旱綿千里禾不立苗麥